

БАТЛАВ.

ТӨВ АЙМГИЙН :

БАЙГАЛЬ ОРЧНЫ ГАЗРЫН ДАРГА

Ж.БАТЦЭНГЭЛ/

БАЯН-ӨНЖҮҮЛ СУМЫН ЗАСАГ ДАРГА

Б.АРИУНБОЛД/

МОНГОЛ САФАРИ ХХК-ИЙН

ЕРӨНХИЙ ЗАХИРАЛ

М.У.БУЯНДЭЛГЭР/

ТӨВ АЙМГИЙН БАЯН-ӨНЖҮҮЛ СУМЫН АГНУУРЫН БҮС НУТГИЙН “ХАНАН-БАЯН” ХЭСГИЙН ХАМГААЛЛЫН МЕНЕЖМЕНТИЙГ ХАРИУЦАХ ГЭРЭЭ

№ 01/14

НЭГ. ЕРӨНХИЙ ҮНДЭСЛЭЛ

Аргаль хонь, халиун буга, цагаан зээрийн агнуурын бүс нутгийн “Ханан-Баян” хэсгийн хамгааллын менежмент нь аймгийн БОГ, Баян-Өнжүүл сумын ЗДТГ -ын ан агнуурын талаар баримталж буй бодлогыг хэрэгжүүлэхэд нутгийн иргэдийг тогтмол, идэвхтэй оролцуулах, хамтын ажиллагааг бүх шатанд хөгжүүлэх мөрийн хөтөлбөр юм.

Баян-Өнжүүл сумын ИТХТ-ийн 2014 оны 09 дугаар Тогтоолоор тус бүс нутгийн зураглал, хилийн цэс батлагдсан байна.

Менежментийн төлөвлөгөө нь агнуурын санг тогтвортой хамгаалах, өсгөн үржүүлэх, зүй зохистой ашиглалтыг зохицуулах удирдлага, зохион байгуулалтын төлөвлөгөө юм.

Энэ төлөвлөгөө нь орон нутгийн төр, захиргааны байгууллага, менежментийн төлөвлөгөөг хариуцан хэрэгжүүлэгч аж ахуйн нэгжийн төлөөлөл зэрэг талуудын оролцоог хангаснаараа онцлог юм.

ХОЁР. ГЭРЭЭНИЙ ЗОРИЛГО

Энэхүү гэрээний зорилго нь “Ханан-Баян” агнуурын бүс нутгийн агнуурын менежментийн төлөвлөгөөг хэрэгжүүлэн ан амьтны санг хариуцан хамгаалах, түүнийг зүй зохистой ашиглах, нөхөн сэргээхэд Төрийн захиргааны байгууллага, нутгийн иргэдийн нөхөрлөл, байгаль хамгаалах мэргэжлийн байгууллага зэрэг оролцогч талуудын үйл ажиллагааны харилцааг зохицуулахад чиглэгдэнэ.

ГУРАВ. ГЭРЭЭ БАЙГУУЛАГЧ ТАЛУУД

Төв аймгийн Баян-Өнжүүл сумын Иргэдийн Төлөөлөгчдийн Тэргүүлэгчдийн Хурлын 2014 оны 02 дугаар сарын 25 -ны өдрийн 09 тоот тогтоолыг үндэслэн тус сумын Баянгийн уул, Ханан уул, Цант уул, 5 овоо, Бага хангай/ хайрхан/, Хангинахын уул зэрэг газрыг хамарсан “Ханан-Баян” агнуурын бүс нутгийн менежментийг хариуцан 2014 оны 02 дугаар сарын 25 ны өдрөөс 2015 оны 02 дугаар сарын 26-ны өдрийг хүртэл 1 жил (нэг) ажиллахаар:

- Төв аймгийн БО Газар
- Баян-Өнжүүл сумын Засаг Даргын Тамгын Газар,
- “Монгол Сафари” ХХК
- “Есөн Эрдэнэ” нөхөрлөл харилцан тохиролцож энэхүү гэрээг байгуулав.

ДӨРӨВ. ТАЛУУДЫН ХҮЛЭЭХ ҮҮРЭГ

Нэг. Төв аймгийн БО Газрын хүлээх үүрэг хариуцлага

4.1.1 Гэрээний хэрэгжилтэнд хяналт тавьж, удирдлага, зохион байгуулалтын туслалцаа үзүүлэх,

4.1.2 Агнуурын бүс нутагт үйл ажиллагаа эрхэлж байгаа байгаль хамгаалах нөхөрлөлийн гишүүдэд идэвхитэн байгаль хамгаалагчийн эрх, үнэмлэх олгуулах ажлыг шийдвэрлүүлэх,

4.1.3 Агнуурын бүс нутагт мэргэжлийн байгууллагаас жил бүр хийх судалгаанд үндэслэн дараа онд тусгай зөвшөөрлөөр агнах амьтны тоо хэмжээний саналыг “Ховор амьтан агнах, барих тусгай зөвшөөрөл олгох журам”-ын 4.1-д заасны дагуу төрийн захиргааны төв байгууллагад жил бүрийн 8 дугаар сарын 20-ны дотор хүргүүлэх,

Хоёр. Баян-Өнжүүл сумын Засаг даргын Тамгын газрын хүлээх үүрэг, хариуцлага

4.2.1 Агнуурын бүс нутгийн ан амьтны нөөцийг хамгаалах, өсгөн үржүүлэх, зохистой ашиглах менежментийн төлөвлөгөөг хэрэгжүүлэхэд бүх талын дэмжлэг үзүүлэх,

4.2.2 Агнуурын бүс нутаг дахь байгаль хамгаалах нөхөрлөлийг удирдлага, зохион байгуулалтаар хангаж ажиллах,

4.2.3 Байгалийн нөөц ашигласны төлбөрийн тухай хуулийн 18.1-д заасны дагуу тусгай зориулалтаар агнаж, барьсан ан амьтны төлбөрийн орлогын 50-иас доошгүй хувийг зөвхөн тухайн агнуурын бүс нутгийн ан агнуурын менежментийн төлөвлөгөөг хэрэгжүүлэхэд зарцуулах,

4.2.4. Нөхөрлөлийн гэрээт газар дээр гарсан түймэр болон бусад байгалийн аюул гамшгийн хор уршгийг арилгуулах, шаардлагатай гэж үзвэл энэ ажилд иргэд аж ахуй нэгж, байгууллагыг татан оролцуулж туслалцуулах,

4.2.5. Бусад аж ахуйн нэгж, байгууллага, иргэнд гэрээт газраас нь хадлан хадах, өвс ургамал түүх зэргээр байгалийн нөөц баялгийг ашиглах зөвшөөрөл олгохдоо эхлээд нөхөрлөлийн гишүүдтэй санал солилцон тохиролцох,

4.2.6. Нөхөрлөл холбогдох хууль тогтоомж, дүрэм, үйл ажиллагааны хөтөлбөр, гэрээнд заасан үүргээ биелүүлэхгүй байвал нөхөрлөлийн үйл ажиллагааг зогсоож, гэрээг хугацаанаас нь өмнө цуцлах буюу цаашид гэрээний хугацааг сунгахгүй байх эрх эдлэх,

4.2.7. Агнуурын бүс нутгийн менежментийг хариуцагчийн ажлын гүйцэтгэлд хяналт тавьж ажиллахын зэрэгцээ төлөвлөгөөний биелэлтийн тайланг жил бүр хэлэлцүүлж тодорхой удирдамж, чиглэлээр хангаж ажиллах,

**Гурав. “Ханан-Баян” агнуурын бүс нутгийн менежментийг хариуцагч
“Монгол Сафари” ХХК—ийн хүлээх үүрэг хариуцлага**

4.3.1 Агнуурын бүс нутгийн менежмент хариуцагч нь хариуцаж байгаа агнуурын бүс нутгийн нарийвчилсан агнуур зохион байгуулалтыг мэргэжлийн байгууллагаар хийлгэж, ан агнуурын менежмент төлөвлөгөөг боловсруулан батлуулсан байх,

4.3.2 Агнуурын бүс нутагт мониторинг талбай, цэгийг сонгон сар бүр тогтмол хугацаанд батлагдсан арга зүйн дагуу зэрлэг амьтны тоо толгой, байршил, амьдрах орчны судалгааг нутгийн иргэдээр дамжуулан гүйцэтгэх,

4.3.3 Ан амьтны нөөц, байршлын судалгааны тайлан мэдээллийг аймгийн Байгаль орчны газарт сар бүрийн тогтсон өдөрт хүргүүлэх,

4.3.4 Хууль бус агнуурыг бууруулах зорилгоор аргаль, цагаан зээр зэрэг агнуурын амьтадыг хууль бусаар агнадаг эрсдэл бүхий хугацаанд эргүүл, хяналтыг нутгийн иргэдтэй хамтран тогтмол зохион байгуулах.

4.3.5 Агнуурын бүс нутгийн айлуудыг бэлчээрийн зохистой менежмент хэрэгжүүлэхэд чиглүүлэх,

4.3.6 Ан амьтадын байршлыг тогтмолжуулахын тулд булаг, ус задгайлах, байршил нутагт нь хужир, давс тавих мараа бий болгох зэрэг биотехникийн арга хэмжээ авч ажиллах,

4.3.7. Тухайн бүс нутагт цөөрч ховордсон ан амьдыг сэргээн нутагшуулах талаар анхаарч ажиллах, тухайлбал энэ жил 50-аас доошгүй тарвага амьдаар барьж, сэргээн нутагшуулах,

4.3.8. Ан агнуурын менежмент төлөвлөгөөг үндэслэн дараа онд тусгай зориулалтаар агнах амьтны тоо хэмжээний саналыг тухайн жилийн 8 дугаар сарын 1-ээс өмнө аймгийн Байгаль орчны газарт хүргүүлэх,

4.3.9. “Ханан-баян” агнуурын бүс нутгийн батлагдсан менежментийн төлөвлөгөөний хэрэгжилт, менежмент хариуцах гэрээний биелэлтийг сумын Засаг даргатай хамтран дүгнэж, тайланг аймгийн Байгаль орчны газарт тухайн оны 11 сарын 15-наас өмнө хүргүүлэх,

4.3.10. Агнуурын бүс нутгийн менежмент хариуцагч байгууллага нь ховор амьтан агнах, барих гэрээний биелэлтийн тайланг аймгийн Байгаль орчны газарт тухайн жилийн 11 сарын 15-аас өмнө хүргүүлэх,

Дөрөв. “Есөн Эрдэнэ” Нөхөрлөлийн эрх, үүрэг

4.4.1. Монгол Улсын Байгаль орчныг хамгаалах тухай, Ойн тухай, Амьтны тухай, Газрын тухай, Усны тухай, Байгалийн ургамлын тухай болон бусад холбогдох хууль тогтоомж, энэхүү гэрээний заалтыг мөрдөж ажиллана.

4.4.2. Байгалийн нөөц, түүний өөрчлөлт болон ан амьтны байршлын тухай сумын Засаг дарга, бусад байгууллага, албан тушаалтанд мэдээлж байх,

4.4.3. Байгалийн баялгийг түймэр, хөнөөлт шавьж, өвчнөөс сэргийлэх, тэдгээртэй тэмцэх, хор уршгийг арилгах арга хэмжээ авч байна.

4.4.4. Ургамал, амьтан бусад баялгийг хамгаалах, байгаль орчны төлөв байдлыг алдагдуулахгүй байх үүрэг хүлээнэ.

4.4.5. Ан амьтадын байршлыг тогтмолжуулахын тулд булаг, ус задгайлах, байршил нутагт нь хужир, давс тавих мараа бий болгох зэрэг биотехникийн арга хэмжээ авч ажиллахад менежментийг хариуцагчтай нягт хамтран ажиллах, нөхөрлөлийн гишүүдийг идэвхитэй оролцуулах,

4.4.6. Байгаль орчныг хамгаалах чиглэлээр явуулах үйл ажиллагааны хөтөлбөр, гэрээний биелэлтийг жил бүрийн 12 дугаар сарын 25-ны дотор гарган Засаг даргад хүргүүлж, ажлаа дүгнүүлнэ.

4.4.7. Гэрээт газрын байгалийн баялгийг хууль бус үйлдэл, гадны нөлөөнөөс хамгаалах, үүний тулд эргүүл гаргах, хяналт шалгалт зохион байгуулах, учирсан хохирлыг буруутай этгээдээр төлүүлэх асуудлыг холбогдох байгууллагад тавьж шийдвэрлүүлэх.

4.4.8. Гэрээт газартаа зөвшөөрөлгүй ан амьтан агнасан, барьсан, газар шороог хөндсөн, өвс ургамлыг нь түүсэн хууль бус үйлдлийг таслан зогсоох, буруутай этгээдийг олж илрүүлэхэд байгаль орчны хяналтын улсын байцаагч, байгаль хамгаалагчид туслах үүрэгтэй.

ТАВ. Маргааныг шийдэх, хариуцлагын тогтолцоо

5.1 Гэрээ байгуулсан талуудын хооронд маргаан үүсвэл аль болохоор харилцан тохиролцохыг эрмэлзэн ажиллах бөгөөд талууд харилцан тохиролцоонд хүрээгүй тохиолдолд аль нэг тал шүүхийн байгууллагад хандаж болно.

5.2 Гэрээнд заасан үүргээ зөрчиж, байгаль орчинд хохирол учруулсныг холбогдох байгууллагаас тогтоосон тохиолдолд Засаг дарга гарсан хохирлыг оролцогч талуудын хөрөнгөөр бүрэн арилгуулах, хамтын ажиллагааны гэрээг хүчингүй болгох хүртэл арга хэмжээг хууль тогтоомжийн дагуу авна.

Энэхүү гэрээг оролцогч талууд 2014 оны 02 -р сарын 25 - ны өдөр гарын үсэг зурж баталгаажуулж, 5 хувь үйлдэв.

Гэрээнд нэмэлт өөрчлөлт оруулж болох ба 2015 оны 02 дугаар сарын 26-ны өдөр хүртэл хүчинтэй.

Нэг жилийн гэрээг дүгнэж, харилцан тохиролцсон нөхцөлд гэрээг цаашид олон жилээр сунгаж болно,

ГЭРЭЭ БАЙГУУЛСАН:

БОГ-ын МЭРГЭЖИЛТЭН...../С. ЭРДЭНЭЦОГТ/

БАЯН-ӨНЖҮҮЛ СУМЫН БАЙГАЛЬ ОРЧНЫ

ХЯНАЛТЫН УЛСЫН БАЙЦААГЧ...../ Т. НАМЖИЛМАА /

МОНГОЛ САФАРИ ХХК-ийн

ДЭД ЗАХИРАЛ

..... / С. ГЭЛЭГНЯМ /

“ЕСӨН ЭРДЭНЭ” НӨХӨРЛӨЛИЙН АХЛАГЧ

..... / Ц. ОЧБАДРАХ /